

# I V L I V S R O S C I V S H O R T I N V S L E C T O R I S .



**M** multa sunt in hac naturæ vniuersitate digna quæ ab hominibus cognoscantur, tum de Herbarum viribus scientia humano generi vtilissima habenda est. Quarum fecundissima parens Terra in medio mundi sita conceptum semen suo complexa sinu, tempore calfactum fouet, ac in lucem edere nullo vnquam tempore intermittit. Nam quid noui veris vbertate fecundius? Tunc enim mira cæli clementia humus fertiles sinus aperit, ac primum teneros frutices ostendit, paulatim inde tum folia exerecere, tum renidere flores incipiunt: quibus omnibus humanum genus vel ad voluptatem, vel ad sanitatem maximopere vtatur. Ac verno quidem tempore respondet Autumnus, qui cum fructuum præcipue, ac pomorum gloriam sibi vendicet, herbarum tamen quoque multiplici varietate non destituitur; Hyemem, atque Aestatem, licet contrariæ tempestates videantur, eandem herbas geminata naturæ fecunditate reducere videmus. Nec vero locus vllus est, vbi non quasi nascendi ius habeant herbarum ad humanos vsus accommodatæ. Nam præter eas, quæ agricolarum solertia in horti, vel agris satæ spectantur; aliæ in desertis vallibus, & incultis collibus nullo subactio solo surgunt; aliæ permeante siderum inf luxu in occultissimis specubus latent: quarundam ea vis est, vt sponte in vetustis parietum ruinis adnascantur; nulla denique terrarum pars non alicuius herbarum proprio fetu vireat. Quod cum inter diuinæ liberalitatis, ac prouidentia opes, & argumenta maxima referatur, vt & omni tempore, & vbi que præsentia morborum remedia habeantur, nostrum erit non negligere, sed ad commoda nostra trāsferre: illos autem, qui tanti nobis boni auctores fuerunt magnis laudibus celebrare. Etenim si in nos ea esset rerum transfusa cognitio, quæ primo parenti diuinitus donata est, aut ad nostras manus peruenissent illa de quibus sapientissimum Salomonem disseruisse narrant, ægritudinum penè omnium medelas in domesticis hortis nullo doctore, breui, ac minimis impensis, vt temporibus illis factum accepimus, legeremus. Quæ quoniam longi æui iniuria desiderantur, & verissimum illud est qui addit scientiam addere & laborem, qui multis post sæculis, in ijs disquirendis elaborarunt magno merito in honore habendi sunt. Castor Durante Romanus non modo in ea, quam proficetur facultate, sed in plurimis disciplinis insignis cum a primis annis in herbarum obseruatione plurimam ætatis partem posuerit, iure optimo ab omnibus gratiam inire, ac mereri debet. Nec vero ille erat ignarus, cum multi, & medici, & historici idem argumentum vel tractarint vel attigerint, futuros qui dicerent extremum hunc laborem minime necessarium videri. Qui si æqui esse voluerint rerum aestimatores non temere, aut sine ratione illum fecisse indicabunt, quod post multos, & veteres, & recētiore eiusdem rei scriptores, suos etiam conatus adhibuerit. Nam quo maior extabat librorum copia eo difficilius & haberi singuli, & legi poterant, cum non omnes parare omnibus concessum sit: & non exiguum quid sit quod rebus oblcuris luce illata, & confusis ordine, verendum amplius non est, ne pro opportunis contraria accipiantur medicamenta. Huc accedit quod non omnia omnes cognosse, vel conatos scimus, & addi posse in qualibet facultate cuiuslibet artis periti fatentur. Itaque quod tam multa, quæ hinc inde sparsa habebantur quasi in vnum corpus accurata obseruatione & vigilijs collegit, id fecit, vt consultum esset vno volumine plurimis. Quamobrem merito in omnium manibus tam egregij labores erunt. Hinc haurient historiarum scriptores quo libros suos exornent. Hinc medicinam proficentes herbarum nomina, vires, morborumque remedia addiscent. Hinc ipsi agrorum cultores earum, quas præ manibus habent herbarum formas recognoscent, vt vel sic rudibus consultum sit, quorum liber pictura esse solet. Nemo demum erit, qui cum sanitatem vel perditam restituere, vel restitutam tueri velit, hinc vberem vtilitatem colligere non possit. Neque vero id ita intelligendum vt remedia, quæ innumera hic afferuntur passim nullo consultore, ac temere adhibeantur. Prudentis Auctoris ea mens est, vt non nisi medicorum doctissimorum adhibito consilio applicentur, eorum præsertim si Romæ sis, quorum honorifica mentio proxime habebitur. Licet enim Herbarum occultissimas facultates partim à Viris in arte peritis, partim varijs in hoc genere scriptoribus Græcis, Arabibus, ac Latinis collegerit, tamen nullo modo faciendum existimat, vt quis vllum remedium, quod docuerit in exemplum, aut experientiam trahat, nisi diligentis, ac periti medici iudicium accesserit. Nam præter communes, notasque morborum medicinas, multa necesse etiam est aduertere, vt locum, tempus, complexionem, ætatem, & alia, quorum si ratio non habeatur, verendum est vehementer contra ac Thelepho accidit, ne ex eadem re, ex qua salus expectabatur, mortem hauriamus. Vt autem ex hoc opere fructum capere possis, ordinem, quem

quem perpetuo sequutus est Auctor, obseruabis. Primo figuram, & formam herbae contem-  
plaberis. Mox elegantissimis carminibus vires & facultates descriptas memoriae commendabis,  
quae quasi pro formulis, & conceptis Medicorum sententijs haberi possint. Deinde nomina  
Graeca, Latina, & Italica cognoscens. Tum figurarum explicatione, ac locorum, qui herbas fe-  
runt, lectione oblectaberis. Addiscens inde varia genera, ac diuersas species Herbarum, ac quibus  
quaeque anni temporibus orientur. Denique affectiones earum, vique singulis morborum ge-  
neribus sint viles attentius considerabis. His nominibus Auctori gratias immortales habebis,  
qui commodis tuis mirifice consuluerit labore suo, Cui quidem etiam posteritas plurimum sem-  
per debebit, ad quam eius monumentorum fructus est peruenturus. Fruere interim hoc, quod  
iam in manibus habes tam utili munere, nec ita multo post alterum ab eodem opus expecta am-  
plum, ac copiosum, quo omnem tibi volatilium, terrestrium, piscium, variorumque lapidum  
naturam pari diligentia explicabit. At si ut quidam ex antiquis scriptum reliquit, gratias habere  
par est hominibus, qui in sinu raris educati semina iaciunt, eademque fossione, & irrigatione ex-  
colunt: immensum quid erit quod optimo, ac doctissimo Viro Castori Duranti debeamus, quod  
oculis nostris Herbarum imaginibus voluptatem, corpori, expositis remedijs, spem sanitatis, ani-  
mis tam varia, ac multiplici scientia incredibilem simul & fructum, & oblectationem attulerit.

Aliquot insignes Medici qui hac aetate in alma Vrbe florent, & quorum consilium Auctor  
in Simplicium medicamentorum vsu adhiberi admonet.

<i>Alexander Petronius</i>	<i>Fabianus Galleus</i>	<i>Odoardus Lepius</i>
<i>Alexander Butrius</i>	<i>Fabius Amicus</i>	<i>Paduanus Patricius P. Christa</i>
<i>Alexander Gymnasium</i>	<i>Faulus Valent.</i>	<i>Pamphilus Oddus</i>
<i>Alphonsus Cataneus</i>	<i>Franciscus Gadius</i>	<i>Parthenopaeus Maiantibus</i>
<i>Andreas Baccius</i>	<i>Franciscus Lallius</i>	<i>Paulus Aquilanus</i>
<i>Andreas Marcolinus</i>	<i>Franciscus Gymnasium</i>	<i>Petrus Crispus</i>
<i>Angelus Balneoregien.</i>	<i>Gaspar Pirotus</i>	<i>Petrus Mancinus</i>
<i>Antonius Lilius</i>	<i>Hieronimus Pontanus</i>	<i>Petrus Syluanus</i>
<i>Antonius Portus</i>	<i>Ioachinus Thomaius</i>	<i>Quintilianus Gaurellius</i>
<i>Archangelus Piccholominus</i>	<i>Ioannes Baptista Serius</i>	<i>Rodolphus Syluestrius</i>
<i>Attilius Lucius</i>	<i>Ioseph Collius</i>	<i>Salustius Saluianus</i>
<i>Aurelius Stagnus</i>	<i>Iulius Busellius</i>	<i>Sigismundus Eriumanus</i>
<i>Balthassar Costaccarius</i>	<i>Iulius Durantes</i>	<i>Thomas condopula</i>
<i>Bart holomaeus Christophorus</i>	<i>Iulius Cinus</i>	<i>Iulius Penna R. Ventura</i>
<i>Baldagnelus Abbatius</i>	<i>M. silius Cagnatus</i>	<i>Vincentius Eugubinus</i>
<i>Basilius Parauicinus</i>	<i>Marcus Antonius Nicodemus</i>	<i>Vincentius Perinus, &amp; multi alij</i>
<i>Camillus Flanius</i>	<i>Medorus Patriarcha</i>	<i>quorum scientia &amp; praecleara &amp;</i>
<i>Emmanuel Franciscus</i>	<i>Michael Mercatus</i>	<i>insignis habetur.</i>

Catalogus Scriptorum Insigniorum Quibus Auctor in hoc opere vltus est.

<i>Aenarius</i>	<i>Dioscorides</i>	<i>Matthias Lobellius</i>
<i>Actius</i>	<i>Franciscus Alexander</i>	<i>Monardes</i>
<i>Amatus Lusitana</i>	<i>Galenus</i>	<i>Oribasius</i>
<i>Andreas Baccius</i>	<i>Gazia Hortus</i>	<i>Paulus Aegineta</i>
<i>Andreas Lacuna</i>	<i>Hieronimus Cordellius</i>	<i>Petrus Andreas Matthiolus</i>
<i>Auerroes</i>	<i>Hieronimus Mercurialis</i>	<i>Plinius</i>
<i>Auicenna</i>	<i>Ioannes Mesues</i>	<i>Rembertus Dodonaeus</i>
<i>Borgarucius</i>	<i>Io. Petrus Cerasius</i>	<i>Rhasis</i>
<i>Carolus Clusius</i>	<i>Ioannes Ruellius</i>	<i>Theophrastus</i>
<i>Christophorus Acosta</i>	<i>Ioannes Serapio</i>	<i>Villanuanus, &amp; alij non pauci quos</i>
<i>Collegium Medicorum Bergom.</i>	<i>Iulius Pollux</i>	<i>enumerare non sibiit.</i>